

## Izveštaj o radu Uprave policije MUP-a Kantona Sarajevo za mjesec juni 2019. godine

### KRIMINALITET

#### OSNOVNI STATISTIČKI POKAZATELJI KRIMINALITETA

U mjesecu junu 2019. godine, na području Kantona Sarajevo registrovano je 265 krivičnih djela što je za 79 djela ili 23 % manje u odnosu na isti mjesec prethodne godine.

Od ukupnog broja registrovanih krivičnih djela, 123 ili 46,4% izvršeno je od strane poznatih, a 142 ili 53,6% od strane nepoznatih izvršilaca.

Za 57 djela ili 34,5% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 25 krivičnih djela iz izvještajnog, a 32 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu junu 2019. godine za ukupno 180 krivičnih djela ili 67,9% identifikovali osumnjičene izvršioce, što je za 0,7% manja rasvijetljenost u odnosu na isti mjesec prethodne godine.

Zbog postojanja osnova sumnje da su počinili krivična djela prijavljena su 153 lica (77 ili 33,5% manje), od čega je 90 povratnika (50 ili 35,7% manje) u izvršenju krivičnih djela (ili 58,8% od ukunog broja prijavljenih lica), četiri maloljetnika (četiri ili 50% manje), a 68 lica je lišeno slobode (33 ili 32,7% manje).

Pregled kriminaliteta na području Kantona Sarajevo u mjesecu junu 2019/18. godine posmatrano po glavama KZ FBiH-a i KZ BiH-a

KRIVIČNA DJELA	JUNI 2019.	JUNI 2018.	uporedba		rasvj. juni 2019.	
			+/-	%	broj kd	%
Protiv života i tijela	19	15	4	26,7%	16	84,2%
Protiv slobode i prava čovjeka i građanina	13	23	-10	-43,5%	13	100%
Protiv spolne slobode i morala	2	3	-1	-33,3%	2	100%
Protiv braka, porodice i mladeži	21	20	1	5%	21	100%
Protiv zdravlja ljudi	26	57	-31	-54,4%	26	100%
Protiv privrede poslovanja i sigurnosti platnog prometa	0	1	-1	---	0	---
Protiv imovine	152	182	-30	-16,5%	70	46,1%
Protiv okoliša	1	0	1	---	1	100%
Protiv opće sigurnosti ljudi i imovine	3	10	-7	-70%	4	133,3% <sup>1</sup>
Protiv sigurnosti javnog prometa	10	13	-3	-23,1%	10	100%
Protiv pravosuđa	1	2	-1	-50%	1	100%
Protiv javnog reda i pravnog prometa	9	15	-6	-40%	8	88,9%
Protiv podmićivanja i krivična djela protiv službene ...	5	1	4	400%	5	100%
Protiv privrede i jed.tržišta te kd izoblasti carina (KZBiH)	1	0	1	---	1	100%
ZONDINOIM-a - Zakon o nabavljanju, držanju i nošenju oružja i municije (Sl.novineKS br.01/18)	2	2	0	isto	2	100%
<b>UKUPNO</b>	<b>265</b>	<b>344</b>	<b>-79</b>	<b>-23%</b>	<b>180</b>	<b>67,9%</b>

U odnosu na isti mjesec prethodne godine, zabilježeno je značajno smanjenje broja registrovanih krivičnih djela za 79 ili 23%. Najznačajnije smanjenje zabilježeno je u oblasti protiv zdravlja ljudi (za

31-no djelo), zatim imovine (za 30), slobode i prava čovjeka i građanina (za deset), opće sigurnosti ljudi i imovine (za sedam), javnog reda i pravnog prometa (za šest), sigurnosti javnog prometa (za tri djela), itd. dok je povećanje evidentirano u oblasti krivičnih djela protiv života i tijela (za četiri), protiv "podmićivanja" (za četiri), braka porodice i mladeži (za jedno djelo), itd.

#### PREGLED KRIVIČNIH DJELA PO OBLASTIMA

##### KRIVIČNA DJELA PROTIV ŽIVOTA I TIJELA

Tokom mjeseca juna 2019. godine u ovoj oblasti evidentirano je 19 krivičnih djela (četiri ili 26,7% više) i to: ubistvo - jedno djelo (nije bilo djela u uporednom mjesecu), teška tjelesna ozljeda – šest (tri više) i lahka tjelesna ozljeda – 12 (tri više).

Ukupno je rasvijetljeno 16 djela iz ove oblasti ili 84,2%, a zbog postojanja osnova sumnje da su počinili navedena krivična djela, nadležnom tužilaštvu podneseni su službeni izvještaji protiv 16 lica, od kojih je sedam povratnika ili 43,7% a sedam lica je lišeno slobode.

##### KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 13 krivičnih djela (deset manje) ugrožavanja sigurnosti za čije izvršenje je prijavljeno 13 lica od kojih je pet povratnika, a četiri lica su lišena slobode.

##### KRIVIČNA DJELA PROTIV BRAKA, PORODICE I MLADEŽI

U izvještajnom mjesecu iz ove oblasti evidentirano je 21-no krivično djelo nasilje u porodici, a zbog postojanja osnova sumnje da su ih počinili prijavljeno je 21 lice, od kojih je devet povratnika, a 14 je lišeno slobode.

##### KRIVIČNA DJELA PROTIV ZDRAVLJA LJUDI

Prijavljeno je 26 krivičnih djela iz oblasti protiv zdravlja ljudi (31 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedno,
- posjedovanje i omogućavanje uživanja opojnih droga (čl. 239. KZ FBiH) – 25 djela.

Zbog postojanja osnova sumnje da su počinili navedena djela podneseni su službeni izvještaji protiv 26 lica od kojih su čak 22 povratnika ili 84,6 %, a 15 lica je lišeno slobode.

#### PREGLED ODUZETE KOLIČINE OPOJNIH DROGA U MJESECU JUNU 2019/18. GODINE

VRSTA OPOJNE DROGE	juni 2019. GODINE	juni 2018. GODINE
Marihuana (paketići)	26	6
Marihuana (u gramina)	---	68
Marihuana (JOINT – cigarete)	---	1
Heroin (paketići)	7	---
Amfetamin (paketići)	7	17
Amfetamin (u gramima)	55	74
Ecstasy (tablete kom.)	44	32
pribor sa ostacima droge (komada)	1	7

#### KRIVIČNA DJELA PROTIV IMOVINE

U izvještajnom mjesecu, registrovana su 152 krivična djela protiv imovine, što je za 30 djela ili 16,5% manje u odnosu na isti mjesec prošle godine. Među djelima iz ove oblasti najbrojnije su: teške krađe – 83 djela (23 manje), zatim razbojništva – 28 (tri više), krađe – 24 (jedno više), oštećenje tuđe stvari – pet (četiri manje), teška krađa u pokušaju – tri (dva manje), itd.

Za ukupno 70 ovih djela ili 46,1% identifikovan je osumnjičeni izvršilac (1,1% više u odnosu na juni prethodne godine).

Kada su u pitanju teške krađe, prema objektu izvršenja najbrojniji su bili stambeni objekti - 51 slučaj (deset više), zatim motorna vozila (otuđenja pmv i “provale” u ista) – 23 (deset manje), poslovni objekti - osam (dva manje), itd.

Na području Kantona Sarajevo u mjesecu junu ove godine izvršeno je 15 krivičnih djela teških krađa motornih vozila od čega je osam ili 53,3% pronađeno i vraćeno vlasnicima (MUP KS vratio je vlasnicima tri motorna vozila, PS Kakanj – jedno i četiri motorna vozila su pronašli vlasnici).

Broj teških krađa motornih vozila, smanjen je za sedam ili 31,8%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv dva lica.

Prijavljena su 24 krivična djela krađe (jedno više), koja su izvršena osam puta na ulici, pet puta u stambenim objektima, četiri puta u poslovnim prostorijama, tri u automobilima, dva puta u vozilima GRAS-a, itd. Najčešće su otuđivani novčanici, mobiteli, auto dijelovi, bicikli, itd.

U mjesecu junu 2019. godine, registrovano je 28 krivičnih djela razbojništva (tri više), od čega je za 21-no djelo ili 75% identifikovan osumnjičeni izvršilac.

Ova djela izvršena su prijetnjom upotrebe vatrenog oružja - 21 put, upotrebom noža ili drugog oštrog predmeta – četiri puta i upotrebom fizičke snage – tri puta, a počinjena su u prodavnicama i na benzinskim pumpama - po devet puta, na ulici - četiri, u sportskim kladionicama - tri, u stanu - dva i u apoteci – jednom. Otuđivan je novac, mobiteli, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv deset lica od kojih je osam povratnika u činjenju krivičnih djela, a sedam je lišeno slobode.

U izvještajnom mjesecu evidentirana su samo dva krivična djela teških krađa na naročito opasan ili naročito drzak način (osam manje), u kojima su izvršioc, upotrebom fizičke snage otimali novac i mobitel. Ova djela izvršena su na ulici i u prodavnici.

#### KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su tri djela (sedam manje) i to: izazivanje opće opasnosti – dva djela i nesavjesno čuvanje pasa i drugih opasnih životinja – jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, a tri su lišena slobode.

Krivična djela izazivanja opće opasnosti izvršena su na otvorenom prostoru. U jednom slučaju pucano je iz vatrenog oružja, u drugom je otvorenim plamenom zapaljeno vozilo. Posljedica izvršenja navedenih djela je ranjavanje jednog lica, nastala materijalna šteta i uznemirenost građana.

#### KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je devet krivičnih djela (šest manje) i to: nasilničko ponašanje – šest djela, napad na službenu osobu u vršenju poslova sigurnosti, krivotvorenje isprave i ovjeravanje neistinitog sadržaja – po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji devet lica, od kojih je sedam povratnika ili 77,8%.

## KRIVIČNA DJELA POČINJENA OD STRANE MALOLJETNIH LICA

U toku mjeseca juna 2019. godine, policijski službenici su nadležnom tužilaštvu podnijeli službeni izvještaj protiv četiri maloljetna lica zbog postojanja osnova sumnje da su izvršili četiri krivična djela. U odnosu na isti mjesec 2018. godine, broj maloljetnih učinilaca krivičnih djela smanjen je za četiri (ili 50%), a broj krivičnih djela za koja su prijavljeni maloljetnici smanjen je za dva (ili 33,3%). Prijavljeni maloljetnici su u dobi od 14 do 16 – jedan, od 16 do 18 godina – tri.

Pregled broja maloljetnih izvršilaca krivičnih djela za mjesec juni 2019. godine  
prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	1	3	4

Pregled registrovanih krivičnih djela izvršenih od strane maloljetnih lica za mjesec juni 2019/2018. godine

Naziv krivičnog djela	juni 2019.	juni 2018.
<i>Teška tjelesna ozljeda</i>	2	1
<i>Lahka tjelesna ozljeda</i>	1	---
<i>Ugrožavanje sigurnosti</i>	---	1
<i>Teška krađa na naročito drzak i opasan način</i>	---	2
<i>Razbojništvo</i>	---	1
<i>Spolni odnošaj s djetetom</i>	1	---
<i>Nasilničko ponašanje</i>	---	1
<i>ukupno</i>	4	6

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca juna 2019. godine na području Kantona Sarajevo registrovana su dva aktiviranja minsko-eksplozivnih sredstava (jedan u istom mjesecu 2018. godine), usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca. U proteklom mjesecu nije bilo evidentiranih anonimnih dojava o postavljanju eksplozivnih naprava (jedna u junu 2018. godine).

### POŽARI

Tokom mjeseca juna 2019. godine, na području Kantona Sarajevo registrovano je 16 požara (devet više), koji su za posljedicu imali materijalnu štetu.

Prema statističkim pokazateljima, tri požara su izazvana namjerno, jedan nehatom, pet zbog tehničkih nedostataka, dok uzroci sedam požara spadaju u kategoriju ostalih.

Objekti registrovanih požara bili su:

- Stambeni objekti – pet puta,
- Saobraćajno sredstvo – četiri,
- Pomoćni objekat – jednom,
- Poslovni prostor – jednom,
- Proizvodni objekat – jednom,
- Magacin – jednom,
- Ostali objekti – tri puta.

## SAMOUBISTVA

U mjesecu junu 2019. godine na području Kantona Sarajevo registrovano je pet samoubistava (četiri više), koja su izvršena: vješanjem – dva puta, skakanjem sa visine – dva puta i upotrebom vatrenog oružja – jednom.

Izvršiocu su četiri muškarca i jedna žena. Muškarci su starosne dobi: 28, 42, 62 i 65 godina, dok je žena starosti 48 godina.

## OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je: osam pištolja, dvije puške, jedan nož, 51 komad municije raznog kalibra, itd.

Tokom mjeseca juna ove godine fizičkim licima izdato je 91-no odobrenje za nabavku vatrenog oružja i 62 oružna lista.

Tokom mjeseca juna ove godine preduzimate su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije MUP-a Kantona Sarajevo.

## JAVNI RED I MIR

U toku mjeseca juna 2019. godine u oblasti protiv javnog reda i mira registrovan je 381 prekršaj (naloga - 329, zahtjeva za pokretanje prekršajnog postupka - 52), što u odnosu na mjesec juni 2018. godine predstavlja povećanje za 25 ili 7%. Za izvršenje navedenih prekršaja prijavljeno je 405 lica (19 ili 5% više).

a prekršaje utvrđene Zakonom o prekršajima protiv javnog reda i mira odnosi se 307 prekršaja (ili 80,6%), a na prekršaje koji su utvrđeni Odlukom općinskih vijeća o javnom redu i miru 74 ili 19,4%.

d ukupnog broja prijavljenih lica, 45 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (246), između 26 i 35 godina (101) i između 19 i 25 godina (58).

Prilikom narušavanja javnog reda i mira u mjesecu junu 2019. godine, nije bilo teže povrijeđenih lica (kao ni u istom mjesecu 2018. godine), dok je sedam lica (četiri manje) lakše povrijeđeno.

Tabelarni pregled strukture prekršaja iz oblasti javnog reda i mira  
za mjesec juni 2019/2018.godina

PREKRŠAJI IZ ZAKONA O JRIM:	JUNI 2019.	JUNI 2018.	+ - %
<i>-Tuče</i>	27	29	-2 ili 6,9%
<i>-Naročito drsko ponašanje</i>	35	37	-2 ili 5,4%
<i>-Odbijanje naredjenja i omalovaž. pol. služb.</i>	26	41	-15 ili 36,6%
<i>-Neovlaštena upotreba oružja</i>	---	---	---
<i>-Paljenje petardi</i>	---	---	---
<i>-Prosjačenje</i>	143	150	-7 ili 4,7%
<i>-Svađa, vika, nepristojno ponašanje</i>	15	8	+7 ili 87,5%
<i>-Uživanje opojne droge na javnom mjestu</i>	2	5	-3 ili 60%
<i>-Ostali prekršaji iz Zakona o JRiM</i>	59	50	+9 ili 18%
Prekršaji prema Odluci općinskog vijeća o JRiM	74	36	+38 ili 105,5%
ukupno	381	356	+25 ili 7%

Prema vrsti prekršaja, najbrojniji su sljedeći prekršaji: prosjačenje (143 ili 37,5% od ukupnog broja), zatim naročito drsko ponašanje (35 ili 9,2%), tuče (27 ili 7,1%), odbijanje naređenja i omalovažavanje policijskih službenika (26 ili 6,8%). Znatno manje prekršaja izvršeno je svađom, vikom i nepristojnim ponašanjem (15), uživanje opojne droge na javnom mjestu (dva), dok je ostalih prekršaja bilo 59, a 74 prekršaja odnosi se na prekršaje koji su regulisani Odlukom općinskih vijeća.

U odnosu na isti mjesec 2018. godine smanjen je broj prekršaja učinjenih tučom, naročito drskim ponašanjem, odbijanjem naređenja i omalovažavanje policijskih službenika, prosjačenjem i uživanjem opojne droge na javnom mjestu, dok je broj svih ostalih prekršaja povećan.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (354 ili 92,9%), a znatno manje u ugostiteljskim objektima (10 ili 2,6%), vozilima javnog saobraćaja, školama i školskim dvorištima (po jedan), a na ostalim mjestima 15 prekršaja.

Tabelarni pregled mjesta činjenja prekršaja za mjesec juni 2019/2018. godina

MJESTO IZVRŠENJA	JUNI 2019.	JUNI 2018.	+ - %
Ugostiteljski objekti	10	9	+1 ili 11,1%
Ulice i drugi otvoreni prostori	354	321	+33 ili 10,3%
Vozila javnog saobraćaja	1	---	+1
Sportski stadioni i dvorane	---	---	---
Škole i školska dvorišta	1	5	-4 ili 80%
Trgovine i zanatske radnje	---	---	---
Ostala mjesta	15	21	-6 ili 28,6%
UKUPNO	381	356	+25 ili 7%

U poređenju sa mjesecom juni 2018. godine, povećan je broj prekršaja evidentiranih u ugostiteljskim objektima, na ulicama i drugim otvorenim prostorima i u vozilima javnog saobraćaja, a u školama i školskim dvorištima i ostalim mjestima taj broj je smanjen.

Na području Kantona Sarajevo u mjesecu junu 2019. godine održano je 211 javnih skupova (11 ili 4,9% manje u odnosu na juni 2018. godine). Policijski službenici Uprave policije su proveli planske aktivnosti za održavanje javnih skupova, koji su protekli bezbjedno, a u 48 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu junu 2019. godine u odnosu na isti mjesec prethodne godine povećan je ukupan broj saobraćajnih nezgoda i broj nezgoda sa materijalnom štetom, dok je smanjen broj nezgoda sa nastradalim licima i broj nastradalih lica.

Registровано je 798 saobraćajnih nezgoda (16 ili 2 % više u odnosu na juni prethodne godine), od čega je 718 sa materijalnom štetom (31 ili 4,5 % više) i 80 sa nastradalim licima (15 ili 15,8 % manje). U navedenim nezgodama dva lica su poginula (jedno ili 33,3 % manje), a 110 lica je povrijeđeno (15 ili 12 % manje), od čega 16 teže i 94 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JUNI 2019./18. GODINE

	juni 2019.	juni 2018.	+,-, %
UKUPNO SAOBRAĆAJNIH NEZGODA	798	782	+ 16 ili 2 %
Saobraćajne nezgode sa nastradalim licima	80	95	- 15 ili 15,8 %
Saobraćajne nezgode sa materijalnom štetom	718	687	+ 31 ili 4,5 %
POGINULO LICA	2	3	- 1 ili 33,3 %
- vozači	1	0	+ 1
- putnici	0	3	- 3
- pješaci	1	0	+ 1
POVRIJEĐENO LICA	110	125	-15 ili 12 %
- vozači	60	67	- 7 ili 10,4 %
- putnici	27	39	- 12 ili 30,8 %
- pješaci	23	19	+ 4 ili 21 %

U naselju je registrovano 718 saobraćajnih nezgoda (jedna sa poginulim, 70 sa povrijeđenim licima i 647 sa materijalnom štetom), van naselja 80 nezgoda (jedna sa poginulim, osam sa povrijeđenim licima i 71 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JUNU 2019. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	15	55	647	<b>718</b>	1	15	87
van naselja	1	1	7	71	<b>80</b>	1	1	7
<b>UKUPNO</b>	<b>2</b>	<b>16</b>	<b>62</b>	<b>718</b>	<b>798</b>	<b>2</b>	<b>16</b>	<b>94</b>

Prema kategoriji puta, najveći broj saobraćajnih nezgoda registrovan je:

- na ulicama u naselju – 490 nezgoda u kojima je 76 lica nastradalo (jedno lice poginulo, 75 lica povrijeđeno – 14 teže i 61. lakše),
- na magistralnim putevima – 117 nezgoda u kojima je 20 lica nastradalo (jedno lice poginulo, 19 lica povrijeđeno, jedno teže i 18 lakše),
- na lokalnim putevima – 59 (sedam lica lakše povrijeđeno),
- na regionalnim putevima – 55 (tri lica povrijeđena, jedno teže i dva lakše),
- na putevima koji se ubrajaju u kategoriju ostalih – 77 saobraćajnih nezgoda (šest lica lakše povrijeđeno).

### 3.1. POSLJEDICE SAOBRAĆAJNIH NEZGODA

Tokom mjeseca juna 2019. godine, u saobraćajnim nezgodama na području Kantona Sarajevo nastradalo je ukupno 112 lica (16 ili 12,5 % manje). Dva lica su poginula<sup>2</sup> (jedno ili 33,3 % manje), dok je 110 lica povrijeđeno (15 ili 12 % manje), od čega 16 teže (pet manje) i 94 lakše (10 manje).

<sup>2</sup>

UPOREDNI POKAZATELJI NASTRADALIH LICA  
U MJESECU JUNU 2019/18. GODINE

učesnici u saobraćaju	Juni 2019. godine	Juni 2018. godine	uporedba	
			+/-	%
vozači	61	67	- 6	- 8,9 %
putnici	27	42	- 15	- 35,7 %
pješaci	24	19	+ 5	+ 26,3 %
<b>UKUPNO</b>	<b>112</b>	<b>128</b>	<b>- 16</b>	<b>- 12,5 %</b>

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA  
ZA MJESEC JUNI 2019/18. GODINE

mjesec	Juni 2019. GODINE			Juni 2018. .GODINE			UPOREDBA JUNI 2019/18. GOD.		
vrsta posljedice	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
<b>VOZAČI</b>	1	8	52	0	7	60	+ 1	+ 1	- 8
<b>PUTNICI</b>	0	2	25	3	5	34	- 3	- 3	- 9
<b>PJEŠACI</b>	1	6	17	0	9	10	+ 1	- 3	+ 7
<b>UKUPNO</b>	<b>2</b>	<b>16</b>	<b>94</b>	<b>3</b>	<b>21</b>	<b>104</b>	<b>- 1</b>	<b>- 5</b>	<b>- 10</b>

STEPEN POVREDA UČESNIKA U SAOBRAĆAJNIM NEZGODAMA

- Vozači :  
60 vozača povrijeđeno (osam teže, 52 lakše)
- Putnici:  
27 putnika povrijeđeno (dva teže, 25 lakše)
- Pješaci:  
23 pješaka povrijeđena (šest teže, 17 lakše)

Starosna struktura nastradalih lica u saobraćajnim nezgodama je slijedeća:

- od 31 do 40 godina – 27,
- od 41 do 50 godina – 22,
- od 51 do 65 godina – 18,
- od 25 do 30 godina – 12,
- od 21 do 24 godine – 11, itd.

Starosna struktura nastradalih vozača u saobraćajnim nezgodama je slijedeća:

- od 30 do 40 godina – 19,
- od 40 do 50 godina – 12,
- od 50 do 60 godina – 10,
- od 23 do 30 godina – sedam, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 686 (dva lica poginula, 77 lica povrijeđeno, devet teže i 68 lakše),
- neprilagođena brzina – 104 (30 lica povrijeđeno, pet teže i 25 lakše),



- uticaj alkohola – osam (tri lica povrijeđena, dva teže i jedno lakše).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca juna 2019. godine, policijski službenici Uprave policije MUP-a Kantona Sarajevo kontrolisali su:

- 14.910 vozila (5.242 manje),
- 4.081 lice u vozilima (osam više),
- 128 vozila pregledali (27 manje),
- 160 lica u tim vozilima (33 više).

Zbog tehničke neispravnosti iz saobraćaja su isključena 23 vozila (52 manje), 217 vozača je zatečeno da upravljaju vozilom pod dejstvom alkohola (97 više), 252 bez korištenja sigurnosnog pojasa (199 manje), 148 bez položenog vozačkog ispita (sedam više), 48 pod izrečenom zaštitnom mjerom (jedan više), 289 vozača je zatečeno da koristi mobilni telefon tokom vožnje (345 manje) i 639 vozila je učestvovalo u saobraćaju bez važeće registracije (455 više).

Zbog kršenja propisa iz oblasti sigurnosti saobraćaja uručeno je 13.997 prekršajnih naloga vozačima (3.157 ili 18,4 % manje u odnosu na juni prošle godine) i podneseno 77 zahtjeva za pokretanje prekršajnog postupka (47 ili 156,7 % više).

#### MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca juna 2019. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 5262 prekršajna naloga (1.928 manje), upozorena su 304 vozača (162 manje), a specijalnim vozilom "pauk" premješteno je 135 vozila (73 manje).

Takođe, pješacima koji su kršili propise uručeno je 219 prekršajnih naloga (dva više), a upozoreno je 35 pješaka (17 manje).

#### 4. ZAKONITOST U RADU

Tokom mjeseca juna 2019. godine, nisu registrovani napadi na policijske službenike MUP-a KS (u istom mjesecu prošle godine registrovana su dva napada).

Tokom mjeseca juna tekuće godine registrovano je pet slučajeva opravdane upotrebe sile (dvije više).

Tokom izvještajnog mjeseca, razmatrano je 17 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za osam predstavki (10 manje) provede unutrašnja istraga. Za šest predstavki je zaključeno da su neosnovane, dok je za tri predstavke odlučeno da se izvrše provjere i prikupi dokumentacija.

Od ukupno 17 razmatranih predstavki, 13 je podneseno od strane građana, dok četiri predstavke predstavljaju saznanja iz službe.

Okončano je sedam unutrašnjih istraga, među kojima su dvije osnovane, dvije neosnovane, u dva slučaja istraga je bila bez dovoljno dokaza, dok je u jednom slučaju istraga zaključena ocjenom oslobađajuća.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

Obavljajući svoje redovne aktivnosti službenici policije su vršili obilaskе mjesnih zajednica, obrazovnih institucija, zatim ostvarivali kontakte sa vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Pored navedenog, tokom mjeseca juna 2019. godine realizovane su slijedeće aktivnosti:

- Nastavljena je realizacija projekta „Uklanjanje grafita“ – Zona bez grafita“, koja je u okviru aktivnosti Rada policije u zajednici, u saradnji sa ICITAP-om i uz podršku ambasade SAD-a i gradske uprave grada Sarajeva, organizovana na području Druge PU.
- Policijski službenici Prve i Druge PU su u saradnji sa „Media Time“ doo , na lokaciji parking prostora Olimpijske dvorane Zetra, u okviru „8 – Sarajevo Beer Festivala“, organizovali trodnevnu realizaciju projekta „Ako si pio ne vozi“, na kojoj je prisustvovalo između 5000 i 6000 posjetilaca. Prilikom realizacije projekta korištena su materijalno-tehnička sredstva Jedinice za saobraćaj.
- Policajci u zajednici Četvrte PU su učestvovali u realizaciji međunarodnog turnira u fudbalu pod nazivom „U- 17“ i sloganom „Igraj fudbal živi život“, koji je održan u sklopu manifestacije „Novogradski dani“.
- Policajci u zajednici Četvrte PU, PS Dobrinja su redovno obilazili osnovne škole: „Skender Kulenović“, „Aleksa Šantić“, „Osman Hadžić“ i „Ćamil Sijarić“ gdje su kontaktirali sa direktorima i pedagogima škola u cilju praćenja aktivnosti oko završetka školske godine. Takođe su obilazili srednje škole „V Gimnazija“ i Gimnazija „Dobrinja“, gdje su uz saradnju sa direktorima i pedagogima istih realizovane aktivnosti oko proslava maturalnih večeri za učenike koji završavaju školovanje.
- Policijski službenici Četvrte PU su izvršili obilazak sportsko –rekreativnog centra „Safet Zajko“ i JU „Park Šume Mojnilo“, gdje su uspostavili saradnju sa zaštitarskom službom.
- U sklopu projekta „Sigurnost djece u saobraćaju“ policijski službenici su obilazili obdaništa i organizovali posjete djece policijskim stanicama gdje su prezentovana sredstva i oprema koju policijski službenici koriste svakodnevno u svom radu.
- Organizovan je obilazak mjesta na kojima dolazi do veće transakcije novca – banaka i trgovačkih centara, a ujedno se radilo na prikupljanju bezbjednosno interesentnih saznanja po pitanju krivičnih djela razbojništva, teških krađa motornih vozila, provalnih krađa u stanove, poslovne objekte, kao i razvijanju saradnje sa građanima i jačanju povjerenja građana u rad policije.
- Organizovan je obilazak parking prostora sa ciljem pronalaska napuštenih motornih vozila.

**Sarajevo, 16.07.2019. godine**

**Odjeljenje za odnose s javnošću**